

MUPANGO WA MULUNGU WA RAHISI DZULU ZA WOKOLWI

Uthongodhyeri

1 Johana 5:13 “Bai ninamwandhikira maut’u gaga ninwi murio munakuluhira dzina ra mwana wa Mulungu, ili mumanye kukla muna uzima wa kare na kare”

1. Hosini huna dambi!

Arumi 3:10 “Here maoro gaambazho, k’aukuna mut’u mwenye hachi mbereza Mulungu kakuna hatha mumwega.”

Arumi 3:23 “Kwani at’u osi mahenda dambi na manahungukurwa ni nguma ya Mulungu.”

Arumi 5:12 Dambi yaandza kuhendwa ni mut’u mumwenga haha dhuniani na ikireha kifwa. Ndo at’u osi manafwa, kwa kukala osi mahenda dambi.



Hosini huna dambi!

II Kuna garama kwa iyo dambi!

Arumi 6:23 Kwani mushahara wa dambi ni kifwa, ela zawadi ya Mulungu ni uzima wa kare na kare kukirira kwa Masihi Jesu, Bwana wehu.

Ugunulo 21:8 “Ela at’u osi aoga, na masiokuluhira, na ahenda a maitsi-maisti, na alagi na zindzi, na atsai, na mavoyao vizuka, na alongo osi, hat’u hao ni riro ziya ram oho wa baruthi. Na kicho bai ndicho kifwa cha hiri.”

III Masihi wafwa dzulu za dambi zehu.

Arumi 5:6 Mana Masihi wahufwerera siswi enye dambi kahi za wakathi mudzo. Mana wakathi furihokala fuchere anyonge ndo Masihi arihofufwerera.

Arumi 5:8 Ela Mulungu wanyesa mahendzoge iye mwenye kwehu siswi kwani wamureha Masihi akifufwerera wakathi furihokala fuchere enye dambi.

Arumi 14:9 “Ni vivi ndo virozhomurendya Masihi akifwa na akifufuka ati akale Bwana wa Mario moyo na Marriofwa”

Arumi 6:23 Kwani mushahara wa dambi ni kifwa, ela zawadi ya Mulungu ni uzima wa kare na kare kukirira kwa Masihi Jesu, Bwana wehu.



Jesu wafwa kwa enye dambi!

IV Wokolwi ni zawadi ya bule, si kwa mahendo madzo. Ni lazima furihale neno ra Mulungu na kukuluhira Jesu hakeye!.

Aefeso 2:8-9 “Kwani ninwi mwaokolwa kukirira na iyo nema ya kwakwe wakathi murihokuluhira, si kwa kukala were mendhendo madzo, hatha. Wo’kolwi uu mwaupate here zawadi kula kwa Mulungu.”.

Tito 3:5 Akifwakola. Si kwa ut’u wa mahendo madzo hurigogahenda elani kwa mbazize. Akifwakola kwa kuhugesha, ambako kukirira na kuko, Roho mweri anahup’a kuzhalwa lusha na mitoere misha.

Mahendo 4:12 Wo wokolwi be kaupatikana kwa mut’u yoyosi mwingine kwani kahi za urumwengu muzima k’akuna dzina ringine ambaro anadamu magerwa ili siswi fudime kuokoka kukirira kwa riro hasihokala dzina ra Jesu.



V Ni lazima fukire kuluhiro na thumani rehu ndani ya Masihi fuokolwe.

Arumi 4:24 Maoro gago gandhikirwa hatha siswi furio funahendywa ahachi kwa kumukuluhira iye ariyemufufula Bwana wehu Jesu.

Arumi 10:9-10,13 “Kwani ukinena na kanwako mwenye kukala Jesu ni Bwana, na moyoni mwako ukuluhire kukala Mulungu wamufufufila kula nyufuni, bai undaokoka. Kwani mut’u akuluhira na moyowe akahendawa muhachi, na akanena kwa kanwake mwenye akaokoka. Kwa maoro ganaamba kukala, “Kila andiyemuliha Bwana, Bwana andamwakola.”



Ukikala unahendza kumukubali Jesu Masihi akale mokoli wa kpwako na kuhokera msamaha kumbola kwa Mulungu, haha hana voyo unadima kuvoya. Kuvoya voyo riri au ringine kukadima kukw’akola. Isihokala ni kumukuluhira Jesu Masihi hakeye ndiko kunadima kukugera msamaha wa dambi. Riri voyo ni ngira ya kumwanyesa Mulungu wa dambi. Riri voyo ni ngira ya kumwanyesa Mulungu kuluhiro ndanimwe na kumulika kwa kukugera musamaha

“Bwana,

Namaya mini ni mwenye dambi. Namanya k’ukala vinanifaha ni pate gariko ni hachi ya dambi zangu. Namukuluhira Jesu Masihi ariye mokoli wangu. Nakululuhira Jesu Masihi ariye mokoli wangu. Nakuluhira kifwa na ufufulo wapwe ario nipa msamaha wa kwangu. Namkuluhira Jesu na Jesu hakeye ariye ni Bwana na mokoli wangu binafasi. Namuvera kwa Bwana, kwa kunakola na kunisamehe. Ameni.”